

ԱՐԵՎԵԼՅԱՆ ՀԱՅԱՍՏԱՆԻ ՄԻԱՑՈՒՄԸ 150 ՌՈՒՍԱՍՏԱՆԻՆ

ՆՈՐ ԴԱՐԱԳԼՈՒԽ ՀԱՅ ԺՈՂՈՎՐԴԻ ՊԱՏՄՈՒԹՅԱՆ ՄԵՋ

ՀՍՍՀ ԳԱ ակադեմիկոս Մ. Գ. ՆԵՐՍԻՍՅԱՆ

Արևելյան Հայաստանի ազատագրումը պարսկական տիրապետությունից և միացումը Ռուսաստանին նոր էջ, նոր դարագլուխ բացեց հայ ժողովրդի բազմադարյան պատմության մեջ: Պատմական այդ նշանավոր ակտը խոշոր ազդեցություն ունեցավ արևելահայության սոցիալ-տնտեսական, քաղաքական ու կուլտուրական զարգացման հետագա ընթացքի վրա:

Հայաստանի միացումը Ռուսաստանին սերտորեն կապված էր ռազմաքաղաքական այն իրադրության հետ, որ ստեղծվել էր Անդրկովկասում XIX դարի սկզբներին: Այս շրջանում ցարական կառավարության կովկասյան քաղաքականությունն ավելի ակտիվ դարձավ: 1801 թ. Վրաստանը միացավ Ռուսաստանին: Ռուս-պարսկական 1804—1813 թթ. պատերազմի ժամանակ ռուսական կախություն մեջ ընդգրկվեց Ադրբեջանի մեծ մասը: Քաղաքական դեպքերի այս շղթայի հաջորդ օղակը հանդիսացավ 1826—1828 թթ. ռուս-պարսկական պատերազմը, որի շնորհիվ էլ Արևելյան Հայաստանը ազատագրվեց պարսկական խաների ժանր լծից և միավորվեց Ռուսաստանի հետ:

Ռուս-պարսկական 1826—1828 թթ. պատերազմի նախահարձակը Պարսկաստանն էր, որի զորքերը 1826 թ. հուլիսին հանկարծակի, առանց պատերազմ հայտարարելու, ներխուժեցին Անդրկովկասի այն մասերը, որոնք արդեն միացված էին Ռուսաստանին: Ձեռնարկելով այդ քայլը, Իրանի շահը նպատակ ուներ չեղյալ հայտարարել 1813 թ. կնքված Գյուլիստանի պայմանագիրը և վերականգնել իր տիրապետությունը ամբողջ Անդրկովկասում:

Օգտվելով նախահարձակի առավելություններից, պարսից զորքերը, որոնց զխավորում էր թագաժառանգ Աբբաս-Միրզան, սկզբում ունեցան որոշ հաջողություններ, սակայն սեպտեմբեր ամսին ռուսական բանակն անցավ հակահարձակման և կարճ ժամանակամիջոցում պարտության մատնեց և հտշարտեց թշնամուն:

Պատերազմական գործողությունները շարունակվեցին հաջորդ տարում՝ 1827 թ.: Հաջողությամբ իրականացնելով հրամանատարության ծրագրերը, ռուսական զորքերը գարնան և ամռան ամիսներին գրավեցին Արարատյան դաշտի մեծ մասը՝ էջմիածինը, Նախիջևանը, Աբասաբադը և մի շարք այլ քաղաքներ ու ավաններ: Օգոստոսի 17-ին տեղի ունեցավ Օշականի հայտնի հակառակմարտը, սրի ժամանակ ռուսական մոտ երեք հազար մարտիկներից բաղկացած դուրամասը կարևոր հաղթանակ տարավ թշնամու նկատմամբ, որի դուրքի թիվը 30.000 էր: Սեպտեմբերի 20-ին գրավվեց Սարդարապատը, իսկ հոկտեմբերի 1 (13)-ին, վեցօրյա պաշարումից հետո՝ Երևանը:

Երևանի և ամբողջ Արևելյան Հայաստանի աղատագրումը պարսկական տիրապետությունից անսահման ուրախություն և ոգևորություն առաջացրեց ոչ միայն կովկասահայություն մեջ, այլև Ռուսաստանի ու այլ երկրների հայաբնակ վայրերում ու հայկական դադթօջախներում: Այն ամենուրեք դիտվեց որպես հայ ժողովրդի աղղային տոն, որպես աղատագրական շարժան նշանավոր իրադարձություն: Հայ ժողովրդական մասսաների այդ տրամադրությունները վառ կերպով արտահայտված են հաշատուր Աբովյանի անմահ՝ «Վերք Հայաստանիում»:

Ռուսական զորքերի վճռական հաղթանակները ստիպեցին Պարսկաստանին դադարեցնել պատերազմը և հաշտություն խնդրել: 1828 թ. փետրվարի 10(22)-ին կնքվեց Խուրեմենչայի պայմանագիրը, որով Արևելյան Հայաստանը վերջնականապես միացվեց Ռուսաստանին: Անդրկովկասում ռուսական կայսրության և Իրանի սահմանագիծը դարձավ Արաքս գետը, սահմանագիծ, որին վաղուց ձգտում էր ռուսական պետությունը:

Ռուս-պարսկական 1826—1828 թթ. պատերազմը, որի շնորհիվ Արևելյան Հայաստանը փրկվեց խանական ծանր լծից ու միավորվեց Ռուսաստանի հետ, անկախ ցարական կառավարության սուբյեկտիվ ցանկություններից, հայ ժողովրդի համար աղատագրական բնույթ ուներ: Այդ է պատճառը, որ հայ աղատագրական շարժման գործիչները և ժողովրդի լայն խավերը պատերազմական գործողությունների ամբողջ ընթացքում ամեն կերպ օգնում էին ռուսական զորքերին՝ նրանց հաղթանակն ապահովելու համար: Հայերի ռուսական կողմնորոշումը, որ ձևավորվեց XVII դարում, դարձավ համաժողովրդական XVIII դարում և ավելի ամրապնդվեց XIX դարի սկզբներին: Այս շրջանի ռուս-պարսկական և ռուս-թուրքական պատերազմների ժամանակ, հատկապես, կաղմակերպվեցին հայ, վրաց ու ադրբեջանական հետևակ ու հեծյալ բաղմաթիվ աշխարհադորային խմբեր ու գումարտակներ, որոնք մասնակցելով ռազմական գործողություններին, լզալի շափով նպաստեցին ռուսական դեմքի հաղթանակին:

Հայ կամավորական ու աշխարհադորային ջոկատներ կաղմակերպելու ուղղությամբ առանձնապես մեծ եռանդ գործադրեցին ականավոր քաղաքական գործիչ Ներսես Աշտարակեցին և բանաստեղծ Հարություն Ալամդարյանը: Դեռևս պատերազմի առաջին օրերին (1826 թ. հուլիսի 29-ին) Ներսես Աշտարակեցին հատուկ շրջաբերականով դիմեց Անդրկովկասի ամբողջ հայությանը՝ կոչ անելով ոտքի կանգնել և ղենքը ձեռքին, ռուսական զորքերի հետ միասին կռվել պարսից խաների դեմ: Մեծ ոգևորությամբ նա գրում էր. «Արիացե՛ք, մի վախե՛ք: Նոցա (պարսիկների— Մ. Ն.) հանկարծակի հարձակումը անդենք և խաղաղ շինացվոց վրա՝ չէ կարող սասանացնել Ռուսիո Օգոստափառ Կայսեր անհաղթելի զորաց: Հաստատ մնացե՛ք ձեր հավատարմության մեջ: Աշխատեցեք խոհեմությամբ անմահացնել և փառավորել ձեր և ձեր նախնյաց հիշատակը... Ահա՛ ժամանակ, երբ ամենեքյանքդ, վերածնելով ձեր մեջ ձեր նախնյաց սխրագործությունները, միաբանությամբ պիտի քաջալերեք միմյանց ասելով՝ ձմեռենք քաջությամբ և առանց հայրենյացը դավաճանելու և այդպեսով ժառանգենք մեր նախնյաց պանծալի անունն ու փառքը...»:

¹ Ա. Ներսիսյանց, Ամենայն հայոց կաթողիկոսությունը և Կովկասի հայք XIX դարում, մասն Ա (1800—1832 թթ.), Թիֆլիս, 1894, էջ 242:

Ներսես Աշտարակեցին նույն բովանդակությամբ դիմումներ ուղղեց Աշտարակի, Օշականի, Էջմիածնի, Սարգարապատի, Երևանի բնակչությանը: 1827 թ. գարնանից Աշտարակեցին մշտապես գտնվում էր Արարատյան դաշտավայրում գործող ռուսական բանակում, ոգևորում տեղական հայ բնակչությանը և ամեն կերպ օգնում ռուսական զորահամաձայնությունը: Վ. Պոտտոն իրավացիորեն գրել է. «Պարսկական պատերազմի ժամանակ նա արդեն 66 տարեկան էր, բայց տարիները չթուլացրեցին սրբազանի եռանդն ու կայտառությունը, որը պատրաստ էր ամեն ինչ դոհելու, միայն թե տեսներ հայրենիքի ազատագրությունը... Ներսեսի ներկայությունը ռուսական բանակում ոգևորում էր հայ ժողովրդին, նրա հայրենասիրության զգացումը հասցնում սխրագործության, հերոսության և ինքնազոհության...»²: Ի դեպ, Ներսես Աշտարակեցուն, որպես հայրենասերի ու քաղաքական ակտիվ գործչի, բարձր գնահատական են տվել ռուսական շատ գործիչներ և, մասնավորապես, դեկաբրիստ Ե. Լաշինովը, որն անձամբ ծանոթ էր Ներսեսին³:

Պատերազմի ընթացքում լայն ծավալ ստացավ հայ կամավորական շարժումը: Կազմակերպվեցին ջոկատներ Լոռի-Փամբակում, Շամշադինում, Ղարաբաղում, Երարասույան գաղտնավայրում և այլուր: Առանձնապես աչքի ընկավ հայ կամավորական գունդը («Հայոց զորքը»), որ ստեղծվեց Թբիլիսիում 1827 թ. գարնանը գեներալ Սիսյանցիի, Ն. Աշտարակեցու և Հ. Ալամդարյանի նախաձեռնությամբ: Ահա երկու քաղվածք այդ գնդի կանոնադրությունից, որ կոչվում էր «Առաջադրություն Հայոց նոր սարքվող զորքի համար».

«1. Հայոց զորքը կունենա բառալիտներ:

2. Բառալիտների մեջ են մտնում հայք իրանց սեպհական ցանկությամբ:

3. Նրանք վեր են կալնվում 18 տարեկանից մինչև 30 տարեկան մարդիկ. ամա էս կանոնն հիմի չէ՛ կարող դայիմ պահպանվիլ, միայն պահանջվում է, որ մարդս բավական զորություն ունենա պախոտ գնալու համար:

4. Նրանք ազատ կուլին իրանց օղուլուշադովն ամենայն խարջ տալուցն և ծառայությունիցն, քանի ժամանակ որ էս ծառայության մեջ կուլին:

5. Նրանք պետք է կապվին միայն Ֆառայել էնքան ժամանակ, քանի կուլին Ղզլբաշի հետ կու երկարվի, իժում նրանք կու ազատվին գնալ իրենց տներն, կամ մտնել ծառայության զորքի մեջ»:

Մի շարք տեսակետներից շատ հետաքրքիր այդ «Առաջադրության» (Կանոնադրության) հաջորդ մասում ասված էր.

«15. Յուրաքանչյուր զինվորի խազնիցն կուտան թվանք, թասմա գոտիկով պարկ, երեսուն զցելու գուլլով, բարութով և տասն չախմախի քարով:

16. Յուրաքանչյուր զինվորն պիտի ունենա յուր սեպհական խանջալն և տիլոյի պարկն ուսո վրա չորս օրվան պաշար տանելու համար:

17. Ունտեր-օֆիցերներն ունենան թուր խանչալի տեղ:

18. Օֆիցերներն ունենան մին ջուխտ դաբանչա և թուր:

19. Շուրեր՝ Չուխեն բոլ մահուտից: Արխալուխն նաշուրի մուգ ունգն: Շալվարն նաշուրի էլի էն ունգն: Գդալն վրացու նման: Յափնջի»⁴:

² В. Потто, Кавказская война в отдельных очерках..., т. 3, вып. 2, С. Петербург, 1887, էջ 296:

³ Ս. Ներսիսյան, Դեկաբրիստները Հայաստանում, Երևան, 1958, էջ 231—232:

⁴ Ա. Երիցյանց, նշվ. աշխ., էջ 277—278:

Բաղմաթիվ կամավորների ու աշխարհազորայինների հետ միասին ռուսական զորքերին օգնում էին ժողովրդի ամենալայն զանգվածները։ Ազատագրական պայքարն ընդունել էր համաժողովրդական բնույթ։ Հարկ է նշել, որ պարսից խաների դեմ կռվում էին նաև վրացի ու ադրբեջանցի կամավորները։

Առանձին հետաքրքրություն է ներկայացնում այն հանգամանքը, որ ռուս-պարսկական 1826—1828 թթ. պատերազմին անմիջական մասնակցություն ունեցան Ռուսաստանի այն ժամանակվա բաղմաթիվ առաջավոր, ազատամիտ գործիչներ և հեղափոխականներ։ Ռուս ժողովրդի այդ իսկական ներկայացուցիչները, գտնվելով Կովկասյան գործող կորպուսի զանազան զորամասերում, խիղախորեն մարտնչում էին Հայաստանում և Անդրկովկասի որոշ շրջաններում ղեռնա իշխող պարսկական խաների ու թուրք փաշաների դեմ և դրանով իսկ իրենց լուծան էին ներդնում մասնավորապես հայ ժողովրդի ազատագրական պայքարի պատմության մեջ։

Ռուս ժողովրդի այդ փառապանծ զավակների շարքում էին գտնվում ռուս առաջին հեղափոխականները՝ ղեկաբերիստները, մեծ գրող և հումանիստ Ալեքսանդր Գրիբոյեդովը, 1812 թ. հայրենական պատերազմի հռչակավոր պարտիզան, բանաստեղծ Դենիս Դավիդովը, իր ժամանակի ազատամիտ, առաջավոր գաղափարներով տոգորված Ի. Գ. Բուրցովը, Ն. Ն. Ռաևսկին, Վ. Դ. Վոլխովսկին, Ա. Մ. Միկլաշևսկին և ուրիշներ։

Ինչպես հայտնի է, Նիկոլայ I-ը, ճնշելով ղեկաբերիստների ապստամբությունը, մոտ 70 աստիճանադրկված սպա ղեկաբերիստների աքսորեց Կովկաս՝ «տաք Սիբիր»։ Այստեղ աքսորվեցին նաև շարքային ղեկաբերիստներ՝ ապստամբությանը մասնակցած զինվորներ (մոտ 2800 մարդ)։ Նրանք բոլորը գործուն մասնակցություն ունեցան ռուս-պարսկական 1826—1828 թթ. պատերազմին։

Ռուս-պարսկական 1826—1828 թթ. պատերազմի մարտական գործողություններում առանձնապես աչքի ընկան ղեկաբերիստներ Լաչինովը, Պուշչինը, Ռինկեիչը, Դեպրերադովիչը, Դոբրինսկին, Իսկրիցկին, Օրժիցկին, Մալյուտինը, Յերբիկովը և ուրիշներ։

Եվդոկիմ Լաչինովը, օրինակ, մասնակցեց Օշականի հայտնի ճակատամարտին, Սարդարապատ, Երևան բերդերի և մի շարք ավանների ու բնակավայրերի գրավմանը։ Հիշատակության արժանի է հատկապես նրա մասնակցությունը Օշականի ճակատամարտին։ Գեներալ-լեյտենանտ Կրասովսկին նշում է, որ շարքային Լաչինովը Օշականի ճակատամարտում ցուցաբերեց «քաջության ու անվահերության զերազանց օրինակներ»⁵։ Միևնույն ժամանակ Պուշչինը, լինելով սակրավորների գումարտակի հրամանատար, հաջողությամբ կազմակերպեց ու ղեկավարեց մի շարք բերդերի և մասնավորապես Երևանի բերդի պաշարումը։ Նիկոլայ Նիկոլաևիչ Դեպրերադովիչի մասին իր զնդի հրամանատար Ն. Ռաևսկին գրել է, որ նա «Սարդարապատ և Երևան ամրությունների պաշարման ժամանակ իրեն գրսևորեց զերազանց քաջությամբ»։ Ալեքսանդր Եֆիմովիչ Ռինկեիչը մասնակցեց բաղմաթիվ մարտերի։ Նրա մասին գեներալ Պասկևիչը 1827 թ. հոկտեմբերին գրելուց էլ ցարին. «Պրապորշչիկ Ռինկեիչը թշնամու դեմ մղված մարտերում իրեն գրսևորեց որպես անվահեր մարտիկ»։ Խիղախությամբ կռվում էին Կովկասի գործող բանակում

⁵ «Պատմա-բանասիրական հանդես», 1978, № 1, էջ 241։

դտնվող նաև մյուս դեկաբրիստները: Բարեբախտաբար, պահպանվել են շատերի ծառայության ցուցակները, ուր մանրամասն արձանագրված է նրանց մասնակցությունը Հայաստանի ազատագրման համար մղված կռիվներին:

Պատերազմական գործողություններին անմիջական մասնակցություն ցույց տվեց նաև լեյբ-գվարդիայի հավաքական գունդը, որը կազմված էր Պետերբուրգում ապստամբած դեկաբրիստ ղինվորներից: Նա մեծ դեր խաղաց մասնավորապես Երևանը պարսկական խաների լծից ազատագրելու գործում: Բերդի պաշարման ամբողջ ընթացքում շարքային դեկաբրիստները գտնվում էին պաշարող զորքերի առաջին դիրքերում: 1827 թ. հոկտեմբերի 1-ին, Երևանի բերդի գրավման օրը, հավաքական դնդի վաշտերը, սկսելով գրոհը, առաջինը մտան բերդ: Գնդի մարտիկները ցուցաբերեցին խիզախության և հերոսության հիանալի օրինակներ, որի համար շատերը ստացան շքանշաններ: Հերոսաբար կռվում էին նաև Չեռնիգովյան ապստամբ գնդի ղինվորները, որոնք ցրված էին տարբեր ղորամասերում:

Կովկաս աքսորված դեկաբրիստներն ակտիվ մասնակցություն ունեցան նաև ռուս-թուրքական 1828—1829 թթ. պատերազմին, այսինքն՝ պատերազմական այն գործողություններին, որոնք ծավալվեցին Արևմտյան Հայաստանում: Կարսի, էրզրոսի, Բայբուրդի և այլ քաղաքների համար մղած կռիվներում առանձնապես աչքի ընկան նշանավոր դեկաբրիստ և գրող Ալեքսանդր Բևստուժև-Մառլինսկին, Ն. Սեմիչևը, Վ. Սուխորուկովը, Զ. Չերնիշովը, Պ. Լեմանը, Պ. Կոնովնիցինը և ուրիշներ:

Հարկ է նշել այն հանգամանքը, որ դեկաբրիստները, ի տարբերություն ցարական զենեակների ու շինովնիկների, չերմ վերաբերմունք էին ցուցաբերում հայ ժողովրդի նկատմամբ: Ցարական դեսպոտիզմի դեմ զենք բարձրացրած ռուս հեղափոխականները, բրոնց համար հարազատ էին մարդասիրական և ժողովուրդների ազատագրության գաղափարները, մեծ ոգևորությամբ կռվում էին բռնակալ պարսկական խաների ու թուրքական փաշաների դեմ:

Մոտ երկու տարի գտնվելով Հայաստանում, դեկաբրիստներից շատերը ծանոթություն և կապեր հաստատեցին ժամանակի մի շարք հայ նշանավոր գրողների ու հասարակական-քաղաքական գործիչների հետ: Դեկաբրիստները լավ գիտեին նշանավոր քաղաքական գործիչ Ներսես Աշտարակեցուն, բանաստեղծ Հարություն Ալամդարյանին, պրոֆեսոր, հայագետ Շահան Զրբալետյանին, ղինվորականներ Վասիլ Բեյբութովին, Լադար Լադարեին և ուրիշների: Լուրջ հիմքեր կան կարծելու, որ ռուս հեղափոխականների հետ ծանոթ է եղել նաև Խաչատուր Աբովյանը:

Ռուս-պարսկական 1826—1828 թթ. պատերազմին գործունե մասնակցություն ունեցան նաև ռուսական առաջավոր ազատամիտ ղինվորականության ու մտավորականության բաղմամբիվ այլ ներկայացուցիչներ, որոնցից մի մասը կապեր ուներ դեկաբրիստների հետ և այս կամ այն չափով ընդգրկված էր ռուս առաջին հեղափոխականների շարժման մեջ: Այսպես, օրինակ, Իվան Գրիգորևիչ Բուրցովը (1794—1829) ռուսական բանակի կրթված ու ազատամիտ սպաներից մեկն էր: Մասնակցել է 1812 թ. հայրենական պատերազմին, եղել է դեկաբրիստների առաջին ընկերություններից մեկի («Բարօրության միության») անդամ: 1826 թ. քանտարկվել, ապա ծառայության համար փոխադրվել է Կովկաս: 1827 թ. ամռան և աշնան ամիսներին մասնակցել է Հա-

լաստանում և Ադրբեջանում ծավալված պատերազմական գործողություններին: Գեներալ Պասկևիչը 1827 թ. նոյեմբերին ցարին ղեկուցում էր, որ գնդապետ Բուրցովը և իր ընկերները պարսկական զորքերի դեմ մղվող կռիվներում ցուցաբերում են արիություն և անվահերոսություն:

Առանձնապես խոշոր դեր խաղաց Ի. Գ. Բուրցովը ռուս-թուրքական 1828—1829 թթ. պատերազմում: Նա ամենաակտիվ մասնակցությունն է ունեցել Կարսի, Ախալքալակի, Ախալցխայի գրավման ժամանակ: 1828 թ. նոյեմբերին Բուրցովը ստացավ Գեորգիի 4-րդ աստիճանի շքանշան: Էրզրումի գրավումից հետո Բուրցովի ջոկատը հուլիսի 7-ին տիրեց Բայբուրդ քաղաքին: Սակայն վերջինից ոչ հեռու գտնվող հարթ գյուղի մոտ ծավալված մարտերում նա ծանր վերք ստացավ և մահացավ Լերեք օր հետո՝ 1829 թ. հուլիսի 23-ին:

Իր ժամանակի ազատամիտ ղինվորականներից մեկը՝ Նիկոլայ Նիկոլաևիչ Ռաևսկին (1801—1843), կապված էր ղեկաբրիստների, ինչպես նաև Ա. Ս. Պուշկինի, Ա. Ս. Գրիբոլեդովի, Դ. Վ. Դավիդովի և այլ գործիչների հետ: 1826 թ. ի թիվս այլոց բանտարկվեց նաև Ն. Ռաևսկին, սակայն չկարողանալով ապացուցել նրա «հանցանքը», ցարական կառավարությունը Ռաևսկուն ազատեց բանտից ու ուղարկեց Անդրկովկաս, նշանակելով նրան այնտեղ գտնվող Նիժեգորոդյան զրագունական գնդի հրամանատար: Ն. Ռաևսկին ամենագործուն մասնակցությունն ունեցավ ինչպես ռուս-պարսկական 1826—1828 թթ., այնպես էլ՝ ռուս-թուրքական 1828—1829 թթ. պատերազմներին, հատկապես Ջիվանբուլաղի, Սարդարապատի, Երևանի, Կարսի, Ախալքալակի, Էրզրումի ու այլ քաղաքների և բերդերի համար մղված ճակատամարտերում: Նրա խիզախությունը և զորավարական տաղանդը բազմիցս նշվել է բարձրագույն հրամանատարության կողմից: Սակայն, շնայած դրան, «քաղաքական հանցագործներին» հովանավորելու մեղադրանքով Ն. Ռաևսկին 1830 թ. հեռացվեց Կովկասից:

Իր առաջավոր հայացքների համար վաղիմիր Դմիտրիևիչ Վոլխովսկին (1798—1841) փոխադրվում է Կովկաս և մասնակցում ռուս-պարսկական պատերազմին, մասնավորապես Սարդարապատի և Երևանի բերդերի գրավմանը: Բարձր հրամանատարության ղեկուցագրերից մեկում ասված է, որ Սարդարապատի բերդի պաշարման ժամանակ Վոլխովսկին իրեն տրված բոլոր հանձնարարությունները «կատարեց գերազանց եռանդով ու քաջությամբ»⁶: Ռուս-թուրքական 1828—1829 թթ. պատերազմի ժամանակ նա գործուն մասնակցություն է ունեցել Կարսի, Էրզրումի և Բայբուրդի համար մղված մարտերին: Վոլխովսկին, ինչպես նաև Կովկաս ուղարկված իր գրեթե բոլոր ազատամիտ ընկերները գտնվում էին զաղտնի հսկողության տակ: Նրանց «վարքագծի» մասին պարբերաբար տեղեկություններ էին ուղարկվում Պետերբուրգ:

Ցարական սատրապների համար կասկածելի ղինվորական էր նաև Ալեքսանդր Միխայլովիչ Միկլաշևսկին (1796—1831): Նիկոլայ I-ի հրամանով նա ևս ուղարկվեց Անդրկովկաս: Միկլաշևսկին ակտիվ մասնակցություն ունեցավ ռուս-պարսկական 1826—1828 թթ. պատերազմի դրեթե բոլոր կարևոր ճակատամարտերին, ինչպես նաև Կարսի, Ախալցխայի, Էրզրումի գրավմանը: Նա սպանվեց 1831 թ.: Միկլաշևսկու մահվան կապակցությամբ գեկա-

6 Վրաստանի ՊԿՊԱ, ֆ. 548, ց. 2, գ. 48, ք. 6:

րրիստ Ալեքսանդր Բևստուժև-Մառինսկին գրել է. «Մենք դժբախտություն ունեցանք կորցնելու մեր բախտակից ընկերոջը, իր խիղախությամբ շատ հայտնի գնդապետ Միկլաշևսկուն։ Նա իսկական Այաքս էր և ընկավ որպես հերոս»⁷։

Արևելյան Հայաստանը պարսկական տիրապետությունից ազատագրելու գործում զգալի դեր խաղաց հռչակավոր պարտիզան, բանաստեղծ Դենիս Վասիլևիչ Դավիդովը, որը նույնպես պատկանում էր «քաղաքական անբարեհույս» գործիչների շարքին։ Երբ բռնկվեց ռուս-պարսկական պատերազմը, Դավիդովը ցարի հրամանով ուղարկվեց Խբիլիսի և շուտով, 1826 թ. սեպտեմբերին, նշանակվեց Երևանի սարգարի դեմ գործող ռուսական զորամասի հրամանատար։ Գնեերալ-մայոր Դավիդովը, անցնելով հակահարձակման սեպտեմբերի 21-ին, Միրաք գյուղի մոտ պարտության մատնեց Հասան-խանի զորքերին և պարսկական հրոսակախմբերից ազատագրեց Լոռի-Փամբակն ու Շիրակը։ 1826 թ. աշնան ամիսներին, պատերազմական գործողությունների դադարի ժամանակ, նա ամրացնում էր Ջալալ-Օղլիի (այժմ՝ Ստեփանավան) բերդը։

Դավիդովի ինքնակենսագրականում, որ գրված է երրորդ դեմքով, 1826 թ. սեպտեմբերին Լոռի-Փամբակում տեղի ունեցած անցքերի մասին ասված է. «Պարսիկները ներխուժում են Վրաստան... Նա (Դավիդովը—Մ. Ն.) դուրս է պրծնում իր սիրելի ընտանիքի գրկից և շտապում է Մոսկվայից դեպի Վրաստան. տասը օրվա ընթացքում Դավիդովը Կովկասից այն կողմում էր։ Մի քանի օր ևս, և նա իր զորամասով անցնելով Բզովդալը՝ հետապնդում էր թշնամուն, որը նահանջում էր նրանից Փամբակի հարթավայրով։ Վերջապես մեկ օր ևս, և նա ամպերից վեր բարձրացող Ալագյազի մոտ պարտության է մատնում հայանի Հասան-խանի շորահազարանոց զորամասը, ստիպելով նրան փախչել դեպի Երևանի բերդը, ուր և Գյուլշա լճից շտապում է ինքը՝ Երևանի սարգարը իր զորքերով։ Այստեղ Դավիդովի աչքերին բացվում է Արարատը իր ողջ փայլով, իր ձյունե ծածկոցով, կապույտ երկնքով և մարդկային ցեղի օրրանի մասին եղած բոլոր ավանդություններով։ Այս արշավից հետո Դավիդովը զբաղվում է Ջալալ-Օղլի ամրոցի շինարարությամբ, որն ավարտում է դեկտեմբեր ամսին»⁸։

Արևելյան Հայաստանը պարսկական տիրապետությունից ազատագրելու և Ռուսաստանին միացնելու գործում խոշոր դեր խաղաց ռուս մեծ զորղ և հումանիստ Ալեքսանդր Սևրգենիչ Գրիբոյեդովը։ 1827 թ., երբ Արարատյան դաշտում ծավալվել էին ռազմական գործողությունները պարսկական զորքերի դեմ, երբ տեղի էր ունենում Սարգարապատի և Երևանի ազատագրումը խանական լծից, Գրիբոյեդովը գտնվում էր բանակում, մասնակցում էր ռազմական գործողություններին և անում ամեն ինչ ռուսական զորքերի հաղթանակի համար։ Ռուս մեծ զորղը, ինչպես հայտնի է, խոշոր դեր կատարեց Թուրքմենչայի պայմանագրի կնքման, ինչպես նաև՝ պարսկահայերի դադիվ կազմակերպելու և նրանց ամեն կերպ օգնելու գործում։

Խոսելով Արևելյան Հայաստանի ազատագրմանը մասնակից ռուս առաջավոր մարդկանց մասին, չի կարելի չհիշատակել նաև Ն. Ն. Մուրավյովին,

⁷ «Русский вестник», 1861, № 3, էջ 313։

⁸ «Сочинения Д. В. Давыдова», т. 1, М., 1860, էջ 92։

Ի. Պ. Շիպովին, Ա. Ա. Սուվորովին, Լ. Ս. Պուշկինին և շատ ուրիշներին։ Նրանք բոլորը այս կամ այն շափով իրենց լուծման ունեն արևելահայությունն ու կյանքի կերտման գործում։

Ռուս-պարսկական 1826—1828 թթ. պատերազմին մասնակցեցին նաև վրաց ու ադրբեջանական ժողովուրդների առաջավոր ներկայացուցիչներ Ա. Գ. Ճավճավաձեն և Ա. Բաքիխանովը։

Խիստ հետաքրքրական է այն փաստը, որ 1826—1829 թթ. ռուս-պարսկական և ռուս-թուրքական պատերազմներին մասնակցեցին նաև լեհ հեղափոխականները, որոնց ցարական կառավարությունը բանտարկել և ապա աքսորել էր Կովկաս՝ Կովկասյան գործող կորպուսում ծառայելու համար։ Նրանց թվին են պատկանում Ֆրանց Բորկովսկին, Անդրեյ Յանեխչը, Նիկոլայ Վորցելը, Ստանիսլավ Կարվիցկին, Զախը, Լիսովսկին և ուրիշներ։

Մեծ թվով ղեկաբերիստների ու բազմաթիվ առաջավոր ռուս զործիշների մասնակցությունը 1826—1828 թթ. ռուս-պարսկական պատերազմին ավելի շեշտեց ու բնորոշեց այդ պատերազմի ազատագրական բնույթը։

Ավելորդ չէ այստեղ նշել այն իրողությունը, որ ռուս-պարսկական ինչպես 1804—1813, այնպես էլ 1826—1828 թթ. պատերազմների ժամանակ Ռուսաստանի դեմ կանգնած էին փաստորեն նաև արևմտյան տերությունները՝ Լոնդրիան ու Ֆրանսիան։ Ելնելով իրենց գաղութարարական քաղաքականության շահերից, նրանք փորձում էին Իրանի ու Թուրքիայի միջոցով ետ մղել ռուսական պետությունը Անդրկովկասից և դրա համար պարսկական և թուրքական կառավարություններին տրամադրում էին դրամ, զենք, զինամթերք, ռազմական մասնագետներ։ Անձամբ ծանոթանալով պարսկական զորքերին, Ա. Պ. Երմոլովը 1817 թ. գրում էր, թե «պարսկական հետևակը և հրետանին ամբողջությամբ գտնվում են անզրկական սպաների ու ենթասպանների հրամանատարության տակ»։ Հայտնի է, որ Պարսկաստանը 1826 թ. պատերազմ սկսեց Ռուսաստանի դեմ անզրկական էմիսարների հրահրումներով։ Պատերազմի բնագավառում իրանական զորքերի շարքում Ռուսաստանի դեմ կռվում էին հրետանու բազմաթիվ անզրկացի սպաներ և այլ զինվորականներ։

Այսպիսով, եթե Ռուսաստանը օբյեկտիվորեն հանդես էր գալիս անդրկովկասյան ժողովուրդներին պարսկական դաժան տիրապետությունից ազատագրողի դերում, ապա Անդլիան և Ֆրանսիան, ընդհակառակը, օգնելով պարսկական խաներին, գործում էին որպես այդ ժողովուրդների ազատագրական շարժման թշնամիներ։ Հարկ է նկատել, որ Անդլիան և Ֆրանսիան նույն զորքեր բռնեցին նաև XIX դարի արևմտահայ ազատագրական շարժման նկատմամբ։

* * *

Արևելյան Հայաստանի միացումը Ռուսաստանին, ինչպես արդեն ասացինք, պրոգրեսիվ, խոշոր իրադարձություն էր, որ նոր, լուսավոր էջ բացեց հայ ժողովրդի դարավոր պատմության մեջ։ Խոսելով Ռուսաստանի հետ Արևելյան Հայաստանի միավորման պատմական նշանակության մասին,

⁹ АКАК. т. VI, к. II, л. 148—149.

սկսեց է նախ և առաջ ընդգծել մի կարևոր հանգամանք. միավորումից հետո վերացավ արևելահայության ֆիզիկական դոյությունը սպառնացող վտանգը, որ ստեղծվել էր պարսից խաների կոտորածների ու բռնի ասիմիլյացիայի քաղաքականության, երկրում տիրող միջֆեոդալական կռիվների ու ավաղակային արշավանքների հետևանքով: Ապահովվեց հայ բնակչության աճը, որին մեծ շնչով նպաստեց պարսկահայերի և արևմտահայերի զաղթը: Տեղի ունեցավ ժողովրդի ազգահավաքման, ազգային համախմբման պրոցեսը, որը սեծ նշանակություն ունեցավ նրա հետագա ճակատագրի համար:

Ռուսաստանի հետ Արևելյան Հայաստանի միավորումը խիստ նպաստեց երկրի տնտեսական դարգացման գործին: Չնայած ցարական կառավարության ազգային ճնշման ու գաղութային քաղաքականության, Արևելյան Հայաստանը Ռուսական կայսրության կաղմում ստացավ տնտեսական զարգացման բարենպաստ հնարավորություններ: Երկրի տնտեսությունը, որ պարսիկ խաների ու թուրք փաշաների տիրապետության տակ լճացման և դեգրադացիայի էր ենթարկվել, Ռուսաստանի կաղմում արդեն XIX դարի երկրորդ կեսին ասլիք զգալի տեղաշարժ: Վ. Ի. Լենինը «Կապիտալիզմի զարգացումը Ռուսաստանում» իր նշանավոր աշխատության մեջ նկատում էր, որ հետոեֆորմյան շրջանում ռուսական կապիտալիզմը «Կովկասը ներգրավում է համաշխարհային ասպրանքային շրջանառության մեջ...»¹⁰: Քայքայվում էր բնատնտեսությունը, դարգանում էին ասպրանքափոխանակային հարաբերությունները, ներքին ու արտաքին առևտուրը և համեմատաբար ավելի դանդաղ գյուղատնտեսությունը:

Կապիտալիստական հարաբերությունների զարգացմանն Արևելյան Հայաստանում և ամբողջ Անդրկովկասում զգալի շափով նպաստեց գյուղացիական ռեֆորմը և խճուղային ճանապարհների ու երկաթգծի շինարարությունը: XIX դարի երկրորդ կեսին արդեն ձևավորվեցին պղնձի արտադրության կենտրոններ Ալավերդիում ու Զանգեզուրում, դարի վերջերին հիմնվեցին բամբակի, մետաքսի, գինու և կոնյակի արդյունաբերական ձեռնարկություններ:

Դժվար է գերազնահատել այն դրական նշանակությունը, որ ունեցավ Արևելյան Հայաստանի միացումը Ռուսաստանին հայ գիտության, գրականության ու մշակույթի բոլոր բնագավառների զարգացման գործում: Որպես օրինակ հիշենք այն բարերար ազդեցությունը, որ ունեցավ ռուս առաջավոր հարուստ դասական գրականությունը հայ նոր գրականության վրա: Հայտնի է, որ հայ գրականության ու հասարակական մտքի այնպիսի դեմքեր, ինչպիսիք են Խ. Աբովյանը, Մ. Նալբանդյանը, Գ. Սունդուկյանը, Հ. Հովհաննիսյանը, Հովհ. Թումանյանը, Ավ. Իսահակյանը և ուրիշներ խոր հարգանքով ու ակնածանքով են խոսել ռուս ժողովրդի գրականության մասին: Այսպես, Հովհ. Թումանյանը գրել է. «Սիրով ու պատկանաքով խոնարհվում եմ ռուսական մեծ ազգի հոյակապ գրականության առջև, Պուշկինի, Լերմոնտովի, Գոգոլի, Դոստոևսկու, Տուրգենևի, Զեյսովի, Տոլստոյի և իրենց արժանավոր ժառանգների գրականության առջև, որի վրա կրթվել են մեր գրողներից ու մտավորականներից շատ-շատերը»¹¹:

¹⁰ Վ. Ի. Լենին, Երկեր, հատ. 3, էջ 771:

¹¹ Հովհ. Թումանյան, Երկերի ժողովածու, հատ. VI, Երևան, 1957, էջ 332:

Ռուսաստանի պրոգրեսիվ ազդեցության մասին իր ժամանակ խոսել է Ֆ. Էնգելսը Կ. Մարքսին 1851 թ. հղած իր նամակներից մեկում նա գրել է. «Ռուսաստանը իսկապես պրոգրեսիվ դեր է խաղում Արևելքի նկատմամբ»¹²:

Հայաստանի կոմունիստական կուսակցության Կենտրոնական կոմիտեի «Ռուսաստանի հետ Հայաստանի միավորման 150-ամյակի տոնակատարության մասին» ընդունած որոշման մեջ ասված է. «Ռուսաստանին միանալը հայ ժողովրդին փրկեց ֆիզիկական ոչնչացման սպառնալիքից, բուցեց ազգային համախմբման հնարավորություններ, նախադրյալներ ստեղծեց հետագա սոցիալ-տնտեսական զարգացման համար, նրան հաղորդակից դարձրեց ուսական առաջավոր կուլտուրային, Ռուսաստանի հասարակական-քաղաքական մտքի գեմոկրատական ավանդույթներին» («Սովետական Հայաստան», 31 մարտի 1978 թ.):

Մեծ է Ռուսաստանի հետ Արևելյան Հայաստանի միավորման քաղաքական-ազատագրական նշանակությունը: Մտնելով Ռուսական կայսրության կազմի մեջ, արևելահայությունը իր պատմական բախտը կապեց ուս ժողովրդի, նրա ազատագրական շարժման հետ: XIX դարի կեսերից արդեն ուսական հեղափոխական շարժման ազդեցության տակ ձևավորվեցին հայ հասարակական-քաղաքական հոսանքները: Հայ հեղափոխական-գեմոկրատ Միքայել Նալբանդյանը կապեր հաստատեց ուս հեղափոխական գործիչների հետ: XIX դարի սկզբներին հայ բանվորական ու գյուղացիական շարժումներն ընդգրկվեցին ուսական պրոլետարական սոցիալիստական հզոր շարժման մեջ, որը և իսկական ազատություն և վերածնունդ բերեց բազմաշարժար հայ ժողովրդին:

НОВЫЙ ЭТАП В ИСТОРИИ АРМЯНСКОГО НАРОДА

Академик АПН АрмССР М. Г. ПЕРСИСЯН

(Резюме)

Присоединение Восточной Армении к России, имевшее место в результате русско-персидской войны 1826—1828 гг., явилось крупной вехой в многовековой истории армянского народа. Благодаря этому прогрессивному акту были созданы новые, благоприятные условия для развития экономической, культурной и политической жизни страны, для численного роста и национальной консолидации народа. В составе России армянский народ связал свою судьбу с русским революционным движением, которое и принесло ему подлинную свободу и национальное возрождение.

¹² К. Маркс и Ф. Энгельс, Сочинения, т. XXI, 1, 211.